

**■ COLUMNA**


# Legendas, mitos, cult da persunas

DA GIUSEP NAY

Il Lexicon istoric re-  
tic explitgescha  
aschia il chavazzin le-  
gendas: «La plipart da  
las legendas appartegna  
oriundamain a la tradi-  
ziun orala. Ellas èn pa-  
rentadas ina cun l'otra  
en quel senn ch'ellas èn  
liadas ad ina persuna  
ed ad in lieu d'acziun. Ellas palai-  
san la vita dals martirs e sontgs e  
vulan porscher qua tras al lectur u  
auditur exempels d'ina vita d'en-  
grà a Dieu.»

Il Duden enconuscha sper la me-  
dema anc ulteriuras muntadas  
da «Legende»: «Person oder Sache,  
die so bekannt geworden ist, einen  
solchen Status erreicht hat, dass  
sich bereits zahlreiche Legenden  
um sie gebildet haben; Mythos.  
Ausschmückende Darstellung,  
glorifizierende Erzählung, Ge-  
schichte. Etwas, was erzählt, ange-  
nommen, behauptet wird, aber  
nicht den Tatsachen entspricht.»

Tge persunas dal sport e tge  
stars da tuttas sorts n'èn oz  
betg fitg spert «legendas». En tge  
senn dal pled, tenor ils citats qua  
sura, n'è dentant betg fitg cler. Su-  
lettamain ch'els n'èn betg sontgs u  
martirs, dals quals las legendas ori-  
ginaras raquintan, è atgnamain  
evident. Cler è er ch'ils raquints èn  
embellids da bliers detagls mo da-  
pli u damain vairs ed en scadin cas  
glorifitgonts, sch'els na corrispund-  
dan betg dal tutfatg als fatgs. La  
definiziun da la qualificaziun d'ina  
persuna sco legenda è gea che le-



gendas èn sa furmadas  
enturn ella, pia ra-  
quints ed istorgias la  
finala betg vairas sco  
ellas vegnan raquinta-  
das. Ma quai embli-  
dain nus gugent,  
uschiglio perdessen las  
persunas legendaras  
nairalmain lur aura da  
legendas, ed il mitos e  
cult tut aparti lià vid-

lunder gess a perder. Bun e salutai-  
vel per auditurs sco er lecturas fiss  
dentant tuttina, vis l'inflaziun  
stancantaivla da legendas en nos  
dis, da far per senn tge quellas per-  
sunas che obtegnan oz mintgadi  
da nov quella titulaziun e lur istor-  
gias èn vairamain, ed uschia betg  
confunder talas cun sontgs e  
sontgs.

Quellas survegnan er lu titel sin  
fundament da las pli grondas  
prestaziuns «da tut ils temp», sco  
schurnalistas anflan per bun da  
formular cunzunt tar sportists. Sco  
sch'i na pudess betg dar anc pli  
grondas prestaziuns en il temp su-  
enter nus. Era quai fa suspect la  
«schi bella» titulaziun. «d'ent-  
ochen ussa» fiss pli sincer, dentant  
main spectacular.

Ma fitg nosch n'è tut quai  
betg, uschè ditg che l'infla-  
ziun da legendas na s'extenda betg  
da maniera nunsvizra e cunzunt  
betg grischuna er sin la politica.  
Quest privel è perencunter recents.  
Per democrats fermes ed averts en-  
vers il futur èn mitos en tuts regu-  
ards quai ch'els èn, ni damain ni  
dapli. Ed in cult da persunas a pers  
nagut en nossa democrazia.